

Prima namque uia quam in uniuersisque istarum specierum inuestigatio-
ne semper imitari debemus, est huiusmodi. nos itaque nunc a primo ca-
pitulo quod est capitulum in locutione parentum, exordium faciemus,
uelut ordini quem mox enunciauimus conuenire uidetur. Solem igitur &
Saturnum patribus, Lunam autem & Venerem matribus, naturaliter assi-
milari dicemus. Quapropter quemadmodum horum stellarum qualitates
ad inuicem & cum alijs inuenientur, ita fore parentum qualitates nobis existi-
mare conuenit. eorum etenim fortunium & infortunium, necnon & regnum
ex stellarum uicinitate cum luminaribus nobis considerare conueniens est.
nam cum utrumque a fortunis que fuerint ex eorum haec & in duobus signis eo-
rundem uel in signis ea sequentibus circundabitur, esse parentum egregium
fore significabunt. Maxime autem cum planetae circūdantes Solem matuti-
nales, circūdantes uero lunam uespertinales extiterint, tunc enim erit eorum
positio conueniens. Item si Saturnus & Venus orientales fuerint in almu-
gea sibi propria, uel si fuerint in angulis manifestum fortunium parentum
ex hoc significare debentur secundum quantitatem utriusque ipsorum conuenien-
tem. Si autem horum contrarium fuerit, ut luminaria. scilicet sint cursu uacua & a
nullis stellis circūdanda, parentum declinationem ac uilitatem significabunt.
Maxime uero si positio Veneris & Saturni fuerint inconueniens, quod si plane-
tae ex eorum haec non exeuntes ea circudent. Quemadmodum contingit
cum Mars post Solem, Saturnus uero post Lunam ascenderit, nec etiam loca
fortunarum respectu luminarium conuenientia fuerint, nec ex eorum haec,
miseram uitam parentum & ipsorum esse destructionem, nobis ex hoc sig-
nificare non disconuenit. Si autem pars fortunium significans, cuius menti-
onem faciemus, stellis Solem uel Lunam circūdantibus, apta conuenientia
conueniens fuerit in natiuitatibus parentum, substantia saluabitur atque durabit.
Quod si pars fortunium significans non extiterit, uelut diximus, aut si horum
contrarium fuerit, nec fortunae circūderint luminaria, uel si circūdantes
fuerint infortunae, non proficiet parentum possessio sed nocebit. Longitudinem
autem uitae parentum, eiusque breuitatem ex stellarum societatibus in figuris
considerabimus. ¶ De patris igitur uita dicemus. Cumque Iupiter & Venus
in figura quolibet modo Soli uel Saturno associantur, Aut cum Iupiter item
Veneri associatur, fueritque Solis & Saturni apta societas, uel si coniuncti aut
in trino uel sextili aspectu fuerint, & uterque fortis, longam patris uitam ex
hoc annūciabimus. Si uero fortes non fuerint, non erit hoc ita, praeter quod uitae
breuitatem ueraciter non significabunt, hoc autem si non sic euenerit, sed
supra Solem uel Saturnum Mars eleuatus fuerit, aut si sequatur eos, nec Soli
Saturnus conueniens fuerit, sed in eius aspectu. 4. uel per diametrum opposito
uel si uterque fuerit ab angulo remotus, patris debilitas significabitur. At
si in angulis uel in locis ad angulos ascendētibz fuerint, breuem uitam parē-
tū aut nocumentum significabunt. cum enim in duobus primis angulis
qui sunt ascendens caeli & medium steterint, uitae breuitatem indicabunt.
Cum autem in duobus alijs extiterint qui sunt occidens, & angulus terrae, uel
in locis ad ipsos ascendētibz impedire dicuntur. Cum Mars etiam Solem
praedictio